



2016 yil "03" октябрь № 290

Farg'ona shahri

Ўзбекистон Республикаси Бош вазирининг электрон қабулхонасига келиб тушган мурожаатларни кўриб чиқиш ва уларни ҳал этиш чора-тадбирлари тўғрисида

Аҳоли ва тадбиркорлар муаммоларининг ечими юзасидан Ўзбекистон Республикаси Бош вазири номига мурожаат этиш имкониятларини кенгайтириш мақсадида Ўзбекистон Республикаси Бош вазирининг Интернет тармоғидаги электрон қабулхонаси ташкил этилди.

Ушбу масалалар юзасидан Вазирлар Маҳкамасининг 2016 йил 21 сентябрдаги 08-08-17-сонли баёнига асосан вилоят ҳокимлигида **“Бош вазирнинг Интернет тармоғидаги электрон қабулхонаси”**га келиб тушган мурожаатларни кўриб чиқилишини таъминлаш юзасидан аниқ чора-тадбирлар белгиланди.

2016 йил 29 сентябрь куни Ўзбекистон Республикаси Президенти вазифасини бажарувчиси, Бош вазир раислигида селектор ўтказилиб, ҳокимликлар, бошқарма ва ташкилотларда, шунингдек янги ташкил этилган Ўзбекистон Республикаси Бош вазирининг электрон қабулхонасига келиб тушган мурожаатларнинг кўриб чиқилиши, уларда кўтарилган муаммоларни ҳал этилиши борасида амалга оширилган ишлар таҳлилий ва танқидий муҳокама этилди.

Барча даражадаги раҳбарларга жисмоний ва юридик шахсларнинг мурожаатларида кўтарилган муаммолар ечимига эътиборни кучайтириш орқали инсон омилига ғамхўрликни таъминлаш, Ўзбекистон Республикасининг **“Жисмоний ва юридик шахсларнинг мурожаатлари тўғрисида”**ги Қонун ижросини таъминлашда раҳбарларнинг масъулияти ва жавобгарлигини ошириш чора-тадбирлари юзасидан кечиктириб бўлмайдиган вазифалар белгилаб берилди.

Ушбу кўйилган вазифалар ҳамда Ўзбекистон Республикаси Вазирлар Маҳкамасида 2016 йил 29 сентябр куни **“Жисмоний ва юридик шахсларнинг мурожаатлари тўғрисида”**ги Қонун ижросини таъминлашда раҳбарларнинг масъулияти ва жавобгарлигини оширишга бағишлаб ўтказилган селектор йиғилиши баёни ижросини таъминлаш мақсадида,

ҚАРОР ҚИЛАМАН:

1. 2016 йил 29 сентябрь куни Вазирлар Маҳкамасида ўтказилган селекторда Ўзбекистон Республикаси Президенти вазифасини бажарувчиси, Бош вазир томонидан қўйилган вазифалар раҳбарлик ва ижро учун қабул қилинсин.

2. **Икки кун муддатда 1-иловада келтирилган бошқармалар** раҳбарлари Ўзбекистон Республикаси Бош вазирининг Интернет тармоғидаги электрон қабулхонасига келиб тушган мурожаатларда кўтарилган муаммоларни тезкорлик билан кўриб чиқилишини ташкил этиш бўйича вилоят ишчи гуруҳ таркибига ўз вакиллари буйруқ асосида бириктирилишини таъминлаб, вилоят ҳокимлигига тақдим этсин.

3. Вилоят ҳокимлигида Ўзбекистон Республикаси Бош вазирининг Интернет тармоғидаги электрон қабулхонасига тушган жисмоний ва юридик шахсларнинг мурожаатлари билан **ишлаш тартиби 2-иловага** асосан тасдиқлансин.

4. Ўзбекистон Республикасининг **“Жисмоний ва юридик шахсларнинг мурожаатлари тўғрисида”**ги Қонун ижросини таъминлашда ҳамда электрон қабулхонасига тушган жисмоний ва юридик шахсларнинг мурожаатлари билан ишлаш тизимини такомиллаштириш, раҳбарлар масъулиятини ва жавобгарлигини оширишга қаратилган **чора-тадбирлар режаси 3-иловага** мувофиқ тасдиқлансин.

5. Вилоят ҳокимлиги Ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова)га:

уч кун муддатда жисмоний ва юридик шахсларнинг мурожаатлари билан ишлашнинг ҳудудлар кесимида чуқур таҳлил этиш ва камчиликларга йўл қўйган мансабдор шахсларга нисбатан интизомий чоралар белгилаш юзасидан тақлиф киритиш;

жисмоний ва юридик шахсларнинг мурожаатлари билан ишлаш тизимини такомиллаштиришга қаратилган чора-тадбирлар режасини муҳокама этиш бўйича халқ депутатлари вилоят, туман ва шаҳар Кенгашлари сессияларини ўтказиш **жадвалини ишлаб чиқиш ва ўтказилишини таъминлаш;**

ўн кун муддатда вилоят, туман ва шаҳар Кенгашлари сессиялари якуни бўйича қабул қилинган қарорлар нусхасини Вазирлар Маҳкамасига тақдим этиш вазифаси топширилсин.

6. Вилоят ҳокимлиги Ташкилий-назорат гуруҳи (Абдумаликов), Худудларни комплекс ривожлантириш Йиғма бошқармаси (Новиков) вилоят ҳокимлиги аппарати ходимларидан А. Қодиров, Л.Ахмедов, З.Мўминова, Х.Абдужалиловаларни Ўзбекистон Республикаси Бош вазирининг Интернет тармоғидаги электрон қабулхонасига тушган мурожаатларни қабул қилиш, рўйхатга олиш, жойларга ижро учун юбориш ва назоратни таъминлаб, бажарилишини ташкил этиш ишларига масъул этиб бириктирилсинлар.

7. Вилоят ҳокимлиги ташкилий-назорат гуруҳи (Абдумаликов), вилоят Молия бошқармаси (Ортиқов) билан биргаликда **уч муддатда** Ўзбекистон Республикаси Бош вазирининг Интернет тармоғидаги электрон қабулхонасига мурожаат этган жисмоний ва юридик шахслар билан учрашиш ва уларнинг муаммоларини жойида кўриб чиқилишини ташкил этиш юзасидан вилоят ишчи гуруҳига автотранспорт ажратиш бўйича таклиф киритсин.

8. Вилоят ҳокимлиги Ишлар бошқармаси Девонхона бўлими (Ахунжанова) **бир кун муддатда** жойларда жисмоний ва юридик шахсларнинг вакилларини сайёр қабулларини ташкил этиш жадвалини ишлаб чиқсин.

9. Вилоят ҳокимининг ўринбосарлари (Пўлатов, Ахмедов, Кўчқоров, Имомов, Рахимов, Тожиева), вилоят бошқармалари раҳбарларига мурожаатлар билан ишлаш масалаларига янгича муносабат билан ёндошиш, такрорий мурожаатлар юзасидан алоҳида ўрганишлар ташкил этиш, белгиланган жадвал асосида жисмоний ва юридик шахслар вакилларини қабул қилишни шахсан ташкил этиш, тушган мурожаатларни қонуний муддатларда кўриб чиқиш, инсон омилига эътиборни кучайтиришга шахсан масъулликлари кўрсатиб ўтилсин.

10. Шаҳар, туман ҳокимларига:

3 кунлик муддатда мурожаатлар билан ишлашни Ўзбекистон Республикасининг “Жисмоний ва юридик шахсларнинг мурожаатлари тўғрисида”ги Қонун талаблари даражасида ташкил этиш юзасидан чоратадбирлар режасини ва жойларда сайёр қабулларни ўтказилишини таъминлаш;

Электрон қабулхонага тушган мурожаатларни тезкорлик билан ўрганилишини таъминлаш юзасидан малакали мутахассисларни жалб этган ҳолда ишчи гуруҳлар ташкиллаб, кўриб чиқилишни йўлга қўйиш;

Ўзбекистон Республикаси Бош вазирининг Интернет тармоғидаги электрон қабулхонасига тушган мурожаатларни кўриб чиқиш ва уларда қўйилган муаммоларни ҳал этилиши юзасидан шахсий назоратни кучайтириш вазифалари топширилсин.

11. Вилоят Алоқа ва ахборотлаштириш бошқармаси (Каримов), вилоят ҳокимлиги ҳузуридаги компьютерлаштириш маркази (Махмудов), шаҳар, туман ҳокимликлари билан биргаликда, Ўзбекистон Республикасининг “Жисмоний ва юридик шахсларнинг мурожаатлари тўғрисида”ги Қонунга мувофиқ мурожаатчиларни қабул қилиш жадваллари ва уни ўтказиш вақти, жойи ҳамда қабулга олдиндан рўйхатга олиш тўғрисидаги ахборотларни расмий веб-сайтларда мунтазам равишда эълон қилиш чораларини кўрсин.

12. Вилоят ҳокимининг ўринбосари (Кўчқоров), вилоят Молия бошқармаси (Ортиқов), вилоят Алоқа ва ахборотлаштириш бошқармаси (Каримов), вилоят ҳокимлиги ҳузуридаги компьютерлаштириш маркази (Махмудов) билан биргаликда, бир ҳафта муддатда ташкил этилган расмий веб-сайтларни мунтазам ишчи ҳолатда бўлишлигини таъминлаш мақсадида бюджет ташкилотларининг йиллик смета сарф харажатларига қўшимча маблағлар ажратиш бўйича аниқ таклифлар киритсинлар.

13. Вилоят оммавий ахборот воситалари раҳбарларига, ҳар ҳафта якуни билан вилоятда Ўзбекистон Республикаси Бош вазирининг Интернет тармоғидаги электрон қабулхонасига келиб тушган мурожаатларда кўтарилган муаммоларни ҳал этилиши бўйича вилоят ҳокимлиги, вилоят бошқармалари, шаҳар, туман ҳокимлари томонидан олиб борилаётган ишларни ёритиб борилишини таъминлаш тавсия этилсин.

14. Ушбу қарорнинг ижро назорати вилоят ҳокимининг биринчи ўринбосари Б.Б.Пўлатов зиммасига юклатилсин.

Вилоят ҳокими

Ш. М. Ғаниев.

**Ўзбекистон Республикаси Бош вазирининг электрон қабулхонасига тушган
жисмоний ва юридик шахсларнинг мурожаатлари ижросини таъминлаш
билан шуғулланувчи ишчи гуруҳ таркиби**

Гуруҳ раиси		
1	Вилоят прокурори	М.Абдурахмонов
Гуруҳ аъзолари		
2	Вилоят Ички ишлар бошқармаси	А.Султонов
3	Вилоят жиноят ишлари бўйича суд раиси	М.Мирзажонов
4	Вилоят хўжалик суди раиси	Т.Атабаев
5	Вилоят фуқаролик ишлари бўйича суд раиси	А.Салайдинов
6	Вилоят Адлия бошқармаси	М.Назаралиев
7	Вилоят Солиқ бошқармаси	А.Тешабоев
8	Марказий банк бош бошқармаси	Д.Алиев
9	Вилоят Молия бошқармаси	А.Ортиқов
10	Архитектура ва қурилиш бошқармаси	Б.Хужаматов
11	Ер ресурслари ва давлат кадастри	Н.Машрапов
12	Вилоят “Маҳалла” ҳайрия жамоат фонди	Б.Элчиев
13	Вилоят Пенсия жамғармаси	Х.Хамдамов
14	Вилоят Меҳнат бошқармаси	Х.Абдуллаев
15	Халқ таълими бошқармаси	З.Тешабоев
16	Ўрта махсус ва касб-хунар таълими ҳудудий бошқармаси	М.Холдорев
17	Вилоят Соғлиқни сақлаш бошқармаси	О.Умаров
18	“Водийгазтаъминот” УК	А.Эргашев
19	“Сувақова” ДУК	М.Юлдашев
20	Электр тармоқлари	У.Абдуллаев
21	Вилоят Бозорлар уюшмаси	Б.Равшанов
22	Фарғона “Автойўл” ХЙФТ	С.Солиев

Вилоят ҳокимининг 2016 йил
 «__» «__» «__» кунги
 _____ сонли қарорга
 3- илова

Ўзбекистон Республикаси Президенти вазифасини бажарувчи, Бош вазирнинг 2016 йил 28 сентябр
 кунги Ўзбекистон Республикасининг “Жисмоний ва юридик шахсларнинг мурожаатлари тўғрисида” ги
 Қонун ижросини таъминлашда раҳбарларнинг масъулияти ва жавобгарлиги тўғрисидаги селектор йиғилиши
 топширигига асосан вилоятда жисмоний ва юридик шахсларнинг мурожаатлари билан ишлашнинг
 натижадорлигини оширишга қаратилган

ЧОРА-ТАДБИРЛАР РЕЖАСИ

№	Тадбирлар мазмуни	Муддати	Бажаришга масъул
Жисмоний ва юридик шахсларнинг мурожаатларини кўриб чиқиш борасида раҳбарларнинг шахсий масъулиятини ошириш			
1	Ўзбекистон Республикаси Президенти вазифасини бажарувчи - Бош вазирнинг 2016 йил 28 сентябр кунги видео селектор йиғилишида берилган топшириқларига асосан вилоят ҳокимининг қарор лойиҳасини ишлаб чиқиш	2 кун муддатда	Вилоят ҳокимлиги ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова)
2	2016 йил 28 сентябр кунги видео селектор топшириги асосида вилоятда жисмоний ва юридик шахсларнинг мурожаатлари билан ишлашнинг натижадорлигини ошириш юзасидан чора -тадбирлар режасини ишлаб чиқиш	2 кун муддатда	Вилоят ҳокимлиги ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова)
3	Халқ депутатлари вилоят, туман ва шаҳар Кенгашлари сессияларида “Жисмоний ва юридик шахсларнинг мурожаатлари тўғрисида” ги Қонун ижросини таъминлашда раҳбарларнинг масъулияти ва жавобгарлигини ошириш масалалари бўйича муҳокамалар ўтказиш	1 ҳафта муддатда	Вилоят ҳокимлиги ташкилий-назорат гуруҳи (Абдумаликов), шаҳар ва туман ҳокимлари

№	Тадбирлар мазмуни	Муддати	Бажаришга масъул
4	Вилоят, шаҳар ва туманлар ҳокимлари ҳузуридаги аппарат йиғилишларида жисмоний ва юридик шахсларнинг мурожаатларини кўриб чиқиш бўйича бажарилган ишларининг натижаларини ва йўл кўйилган камчиликларни бартараф этиш чораларни кўриш юзасидан муҳокамалар ўтказиш	Доимий	Вилоят ҳокимлиги Ишлар бошқармаси Девонхона бўлими (Ахунжанова), шаҳар ва туман ҳокимлари
5	Вилоят ҳокимининг биринчи ўринбосари раислигида ҳар ҳафтада ўтказилаётган “Назорат соат”ларида вилоят ҳокимлиги ижроия аппарати комплекслари ходимларининг мурожаатлар билан ишлаш борасидаги ишлари тахлилини ўтказиш, мурожаатларни кечикиб қал этиш ҳолатлари бўйича масъулларнинг жавобгарлигини кўриб бориш	Ҳар ҳафтанинг шанба кун	Вилоят ҳокимлиги ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова)
6	2016 йилнинг 2-ярмида шаҳар, туман ҳокимликларида Ўзбекистон Республикасининг “Жисмоний ва юридик шахсларнинг мурожаатлари тўғрисида”ги Қонуни ижроси ҳамда жисмоний ва юридик шахслар вакиллари қабуллари аҳволини ўрганиш жадвалини ишлаб чиқиш	2 кун муддатда	Вилоят ҳокимлиги Ишлар бошқармаси Девонхона бўлими (Ахунжанова)
7	Ўтказилган ўрганишлар натижалари асосида вилоятда жисмоний ва юридик шахсларнинг мурожаатлари билан ишлашни такомиллаштириш масалаларида селектор йиғилишларини ўтказиб бориш	Ҳар чоракда	Вилоят ҳокимининг биринчи ўринбосари Б.Б.Пўлатов, вилоят ҳокимлиги ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова)
8	Мурожаатларнинг сони юқорилиги ва асоссиз кўпайганлиги, такрорий мурожаатларнинг сифатли кўриб чиқилмаганлик ҳолатларини шаҳар, туман ҳокимликларида чуқур таҳлил этиш ва натижалари юзасидан айбдорларнинг интизомий жавобгарлиги юзасидан вилоят ҳокимига маълумотлар киритиб бориш амалиётини тизимли равишда йўлга қуйиш	Доимий	Вилоят ҳокимининг биринчи ўринбосари Б.Б.Пўлатов, вилоят ҳокимлиги ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова)

№	Тадбирлар мазмуни	Муддати	Бажаришга масъул
9.	Шаҳар, туман ҳокимликларида иш юритиш бўлинмалари ва жисмоний ва юридик шахсларни қабул қилиш хоналарини замонавий ахборот коммуникация технологияси воситалари билан жиҳозлаш орқали электрон ҳужжат айланишини таъминлаш, Ҳукумат портали орқали келиб тушган мурожаатлар ва оғзаки мурожаатларни қонуний кўриб чиқишда мутахассисларга нисбатан талабчанликни кучайтириш	Доимий	Вилоят бошқармалари раҳбарлари, вилоят ҳокимлиги АКТ маркази (Махмудов), шаҳар ва туман ҳокимлари
10.	Вилоят бошқармаларида, шаҳар, туманларда расмий веб-сайтларни тўлиқ ишлашини таъминлаш юзасидан чоралар кўриб бориш ва вилоят ҳокимлигига ахборот кириш	Бир ҳафта	Вилоят Алоқа ва ахборотлаштириш маркази (Каримов), вилоят ҳокимлиги АКТ маркази (Махмудов)
Жисмоний ва юридик шахсларнинг мурожаатларини кўриб чиқишни Қонун талабларига мувофиқ ташкил этиш			
1	Ўзбекистон Республикаси Бош Прокуратурасининг ахборотномасида Фарғона шаҳар ҳокимлиги томонидан мурожаатларни кўрмай қолдириш, Қувасой шаҳрида мурожаатларни ортиш ҳолатлари қайд этилганлигидан келиб чиқиб, Фарғона, Қувасой шаҳар ҳокимликлари ва уларнинг қўйи тузилмаларида мурожаатлар билан ишлаш аҳволини танқидий кўриб чиқиш , натижаларини вилоят ҳокими ҳузурида ўтказиладиган аппарат йиғилиши муҳокамасига киритиш	2016 йил октябр ойи	Вилоят ҳокимлиги ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова), ишчи гуруҳ, Фарғона ва Қувасой шаҳар ҳокимликлари
2	Республика прокуратурасининг ахборотномасида вилоятдаги маҳалла фуқаролар йиғинларида мурожаатларни кўриб чиқилишида 583 та қонун талабларини бузилганлик ҳолатлари кўрсатиб ўтилганлигини ҳисобга олиб , вилоятдаги барча маҳалла фуқаролар йиғинларига кўмакпашувчи ишчи гуруҳлар юбориб, маҳаллалар йиғинларида мурожаатлар билан ишлаш ҳолатини ўрганиш ва амалий ёрдам кўрсатиш	Алоҳида тасдиқланган жадвал асосида	Вилоят ҳокимининг 1-ўринбосари Б.Б.Пўлатов, вилоят ҳокимлиги ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова), ишчи гуруҳ, вилоят “Маҳалла” жамоат фонди (Элчиев), шаҳар, туман ҳокимлари

№	Тадбирлар мазмуни	Муддати	Бажаришга масъул
3	Жисмоний ва юридик шахсларнинг мурожаатларининг, шунингдек такрорий мурожаатларни кўпайиши сабабларини аниқлаш ва ечимларини топиш, қонун бузилиши ҳолатларига йўл кўйган мансабдор шахсларнинг жавобгарлиги юзасидан чоралар кўриб бориш	Доимий	Вилоят ҳокимининг ўринбосарлари, вилоят ҳокимлиги фуқароларни қабул қилиш хонаси, шаҳар, туман ҳокимлари
4	Мурожаатларини камайтириш мақсадида жойларда жисмоний ва юридик шахслар вакилларини қабул қилиш ва сайёр қабуллар ўтказишда масъулиятсизлик ва расмийчилик ҳолатларига барҳам бериш, ҳар бир мурожаатни ўз вақтида адолатли кўриб чиқишни таъминлаш чораларини кўриш	Доимий	Вилоят ҳокимининг ўринбосарлари, вилоят ҳокимлиги девонхона бўлими, вилоят бошқармалари раҳбарлари, шаҳар ва туман ҳокимлари,
5	Ҳар бир шаҳар, туман ҳокимликлари биноларининг аҳолининг кириб чиқиши учун қулай бўлган қисмларида жисмоний ва юридик шахсларни қабул қилиш хоналарини ташкил этиш ва ушбу жойларни ҳар томонлама билим даражаси ва ҳаётий тажрибаси юқори бўлган мутахассис кадрлар билан таъминлаш ишларини охирига етказиш	1 hafta муддатда	Вилоят бошқармалари раҳбарлари, шаҳар ва туман ҳокимлари
Ўзбекистон Республикаси Бош вазирининг электрон қабулхонасига тушган мурожаатлар билан ишлаш			
1	Ўзбекистон Республикаси Бош вазирининг электрон қабулхонасига тушган мурожаатларни қабул қилиш, рўйхатга олиш, жойларга ижрога юборилишини ва назоратга олиб, бажарилишини ташкил этиш ишларига масъуллар белгилансин.	1 кун муддатда	Вилоят ҳокимлиги ташкилий-назорат гуруҳи (Абдумаликов), Худудларни комплекс ривожлантириш йиғма бошқармаси (Новиков)
2	Ўзбекистон Республикаси Бош вазири электрон қабулхонасига тушган жисмоний ва юридик шахсларнинг мурожаатлари билан ишлашда кундалик режалари ишлаб чиқилсин.	Доимий	Вилоят ҳокимлиги ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова)

№	Тадбирлар мазмуни	Муддати	Бажаришга масъул
Қонун талабларини мурожаатлар билан ишловчи ходимларга етказиш ва аҳолининг ҳуқуқий саводхонлигини ошириш борасида			
1	Аҳолининг ва мурожаатлар билан ишловчи ходимларнинг ҳуқуқий саводхонлигини ошириш мақсадида вилоят оммавий ахборот воситалари вакиллари иштирокида Ўзбекистон Республикасининг “Жисмоний ва юридик шахсларнинг мурожаатлари тўғрисида”ги Қонуни ижроси масалалари юзасидан матбуот конференциясини ўтказиш	Октябр 2016 йил	Вилоят ҳокимлиги ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова), оммавий ахборот воситалари раҳбарлари
2	Вилоят аҳолисидан Ҳаж, умра сафарларига бориш ва ҳуқуқ тартибот қонралари фаолияти юзасидан мурожаатлар кўллаб тушаётганлигини ҳисобга олиб, вилоят телеведениyasi орқали мазкур идоралар ходимлари иштирокидаги “Очиқ мулоқат” кўрсатувларини ташкил этиш.	14.09.2016 йил 06.12.2016 йил	Вилоят ҳокимининг 1-ўринбосари Б.Б.Пўлатов, вилоят ҳокимининг ўринбосари Қ.Имомов, вилоят телерадиокомпанияси (Хатамов)
3	Қонунлар, қарорлар ва йўриқномалар асосида ҳужжатлар билан ишлашни вилоят бошқармаларида, ҳокимликларда ва бошқа барча соҳада тизимли ташкил этиш борасида вилоят Архив бошқармаси қошида ташкил этилган ўқув маркази фаолиятини янада кучайтиришга қаратилган чора-тадбирлар ишлаб чиқиш ва қабтқ назоратга олиш	Ўн кун	Вилоят ҳокимининг ўринбосари Т.Тожиёва, вилоят ҳокимлиги ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова), вилоят бошқармалари, ҳокимликлар
4	Жисмоний ва юридик шахсларнинг мурожаатлари билан ишлашнинг аҳоли ўрганган шаҳар туман ҳокимликларининг ва вилоят бошқармаларининг қуйи тизимлари ходимларининг ҳуқуқий билим савиясини ошириш мақсадида семинарлар ва ходимларнинг вилоят ҳокимлиги қабулхонасида стажировкасини ташкил этиш	Тасдиқланган жадваллар асосида	Вилоят ҳокимлиги ташкилий-назорат гуруҳи (Абдумаликов), вилоят ҳокимлиги Ишлар бошқармаси Девонхона бўлими (Ахунжанова)